



ՂՂՏԻ ՈՒՂՂԱՓԱՌ ԵԿԵՂԵՑՈՒ Ն. Ս. ԾՆՈՒՏԱ Գ.  
ՆՈՐԸՆՏԻՐ ՊԱՏՐԻԱՐԷԻ ԳԱՀԱԿԱԼՈՒԹՅԱՆ  
ՀԱՆԴԻՍՈՒԹՅՈՒՆԸ

1971 թվականի նոյեմբերի 14-ին Կահիրեում, ղպտիների և Մարկոս Մայր տաճարում, տեղի է ունենում ղպտի քույր եկեղեցու նորընտիր Պատրիարք Ն. Ս. Ծնոտա Գ-ի գահակալության հանդիսությունը:

Նույն հանդիսությանը մասնակցելու համար Հայոց Հայրապետը և ընդունում էր սիրալիր հրավեր և նշանակում հայրապետական մասնավոր պատվիրակություն՝ հա եկեղեցու և իր անունից մասնակցելու նորընտիր Պատրիարքի գահակալության հանդիսությանը:

Պատվիրակության կազմում էին՝ Եգիպտոսի առաջնորդական տեղապահ տ. Զավեն եպս. Չինչինյանը, տ. Ներսես Ծ. վրդ. Փապուճյանը, Կահիրեի և Ալեքսանդրիայի թեմական ժողովների ատենապետներ տիար Հովհաննես Քեհյայանը և Հարություն Ամատունին:

Նոյեմբերի 14-ին, կիրակի օրը, Կահիրեի և Մարկոս Մայր տաճարում տեղի է ունենում նորընտիր Պատրիարքի գահակալության պաշտոնական հանդիսությունը, որին մասնակցում է տ. Զավեն սրբազանը՝ եկեղեցական լրիվ զգեստավորման մեջ, ի շարք քույր եկեղեցիների այլ ներկայացուցիչների:

Գահակալության հանդիսության որոշ մի պահի և ըստ ծրագրի և. խորանի վրա տ. Զավեն սրբազանը, տ. Ներսես Ծ. վարդապետի առընթերակայությամբ, կատարում է Հայրապետական մաղթանքի աղոթքն ու ապա միասին երգում «Ուրախ լեր և եկեղեցի» շարականը և Տերունական աղոթքը:

Հավարտ և պատարագի նորընտիր Պատրիարքին շնորհավորում են հանդիսու-

թյանը ներկա քույր եկեղեցիների հոգևոր պետեր և եկեղեցական ներկայացուցիչներ, այդ թվում՝ Եթովպիայի Ս. Թեոփիլոս Պատրիարքը, Ս. Խորեն Ա կաթողիկոսը, Տանն Կիլիկիո, Անտիոքի ասորի եկեղեցու Ս. Իգնատիոս Եպագոպ Պատրիարքը, Ռումինիայի Ս. Ժուստինիան Պատրիարքը, Պողոս Զ Պապի ներկայացուցիչ կարդինալ Վիլլերանդսը, ռուս պրավոսլավ եկեղեցու Ս. Պիմեն Պատրիարքի ներկայացուցիչ Երմոգենս եպիսկոպոսը, ղպտի-կաթոլիկ եկեղեցու Ս. Ստեփանոս Սիտարաս կարդինալ-Պատրիարքը, Կ. Պոլսի տիեզերական Պատրիարք Աթանազորասի ներկայացուցիչ Յագոպոս միտրոպոլիտը, եկեղեցիների համաշխարհային խորհրդի ընդհանուր քարտուղար դոկտ. Է. Կ. Բլեյկը և այլ պաշտոնական անձինք:

Հանուն Հայոց Հայրապետի նորընտիր Պատրիարքին ջերմորեն շնորհավորում է հայ եկեղեցու և Մայր Աթոռի ներկայացուցիչ տ. Զավեն եպս. Չինչինյանը:

Վերջում շնորհակալության ջերմ խոսք է ասում նորընտիր Ս. Ծնոտա Գ Պատրիարքը:

Այնուհետև հայ եկեղեցու ներկայացուցիչները մասնակցում են գահակալության առթիվ կազմակերպված պաշտոնական ընդունելություններին և տեսակցություններին:

Նոյեմբերի 14-ին, կիրակի օրը, երեկոյան ժամը 18-ին, մեր հայրապետական պատվիրակությունը այցելում է նորընտիր Պատրիարքին՝ հանուն Ամենայն Հայոց Հայրապետի՝ Նրան ողջունելու և շնորհավորելու:

Ս. Ծնոտա Գ Պատրիարքը, շրջապատ-





Նորին Արքեպիսկոպոս Ս. Ծնուտա Գ. Սրբազան Պատրիարքը հայ եկեղեցու պատվիրակության հետ

ված Սինոդի բարձրաստիճան անդամներով, ջերմորեն ընդունում է Հայոց Հայրապետի և հայ եկեղեցու ներկայացուցիչներին:

Տ. Զավեն եպիսկոպոսը անձամբ նորընտիր Պատրիարքին է ներկայացնում Հայոց Հայրապետի եղբայրական, արտագին շնորհավորություններն ու բարեմաղթությունները՝ նշելով նաև Մայր Աթոռի, Նրա Գահակալի և ողջ հայ եկեղեցու ուրախությունը այս արժանավոր ընտրության առթիվ և այն քրիստոնեական եղբայրական սերը, որ ողջ հայ հավատացյալ ժողովուրդը տաժում է դեպի դավանակից քույր եկեղեցին, որը «իր անապատական հայրերով, իր բազմաթիվ մարտիրոսներով, իր պատմության ընթացքին փառավոր էջեր արձանագրած է և շատ նմանություններ ունի Հայաստանյայց եկեղեցվո»:

Այս առթիվ, հանուն Հայոց Հայրապետի, տ. Զավեն սրբազանը Ծնուտա Պատրիարքին է հանձնում հայրապետական թանկագին նվեր՝ ձույլ ոսկուց, հալկական ոճով

Մայր Աթոռում պատրաստված ս. Կույսի արտաքանդակ սրբապատկերը և «Հայկական եկեղեցիներ» ալբոմը:

Ջերմ գրույցի ժամանակ Ս. Ծնուտա Գ. Սրբազան Պատրիարքը խնդրում է տ. Զավեն եպիսկոպոսին իր զգացված և խորին շնորհակալությունն ու երախտագիտությունը հալսնել Ամենայն Հայոց Հայրապետին, որ բարեհաճել է անձամբ էլ հեռագրով շնորհավորել իրեն և՛ իր անունից, և հանուն հայ եկեղեցու մասնավոր պատվիրակություն ուղարկել զահակալության սույն հանդիսությանը՝ բաժանելով քույր եկեղեցու հոգևոր ուրախությունը:

Նույն օրը, երեկոյան ժամը 20-ին, հայրապետական պատվիրակությունը մասնակցում է Կահիրեում «Ալ Թահրիր» արահում զահակալության առթիվ տրված պաշտոնական ընդունելությանը: Տ. Զավեն սրբազանն ընդունելության միջոցին, հանուն Հայոց Հայրապետի, խոսք առնելով ասում է: «Ամենքս ալ լեցված ենք հոգևոր ուրախու-



ՆՈՐԻՆ ՍՐԲՈՒԹՅՈՒՆ Տ. ԺՆՈՒՏԱ Գ. ՆՈՐԸՆՏԻՐ ՊԱՏՐԻԱՐԺԸ



թյամբ, երբ Ձերդ Ամենապատվության գահակալությամբ ս. Մարկոսի պատմական Աթոռին վրա կբարձրանաք իբրև 117-րդ Պատրիարք ու դպտի ուղղափառ քույր եկեղեցին անգամ մըն ալ կփառավորվի: Հանուն Հայաստանյայց ուղղափառ քույր եկեղեցւոյ և անոր Պետին՝ Ն. Սրբություն Տ. Տ. Վազգեն Ա Ամենայն Հայոց Հայրապետին կներկայացնենք Ձերդ Ամենապատվության ջերմ շնորհավորություններ, աղոթելով Բարձրալն Աստուծո, որ դպտի ուղղափառ եկեղեցին միշտ պայծառ ու բարգաւաճ ըլլա, անսասան մնալով իր հավատքի վեմին վրա»:

Հայրապետական պատմիրակությունը մինչև նոյեմբերի 16-ը մասնակցում է գահակալության առթիվ կազմակերպված այլ հանդիսություններին:

Ամենապատիվ Տ. Շնուտա Գ նորընտիր Պատրիարքը ծնվել է 1923 թվականին, վերին Եգիպտոսում և, Կահիրեի համալսարանի գրականության ֆակուլտետն ավարտելուց հետո, երկար ժամանակ զբաղվել է ու-

սուցչությամբ: 1954 թվականին ձեռնադրվել է կուսակրոն բաժանա և ստացել է աստվածաբանության վկայական:

1962 թվականին եպիսկոպոս է ձեռնադրվել:

Տ. Շնուտա Պատրիարքը բազմակողմանիորեն պատրաստված, հավատավոր հոգեվորական է: Նա հեղինակն է մի շարք կրոնական, եկեղեցագիտական լուրջ ուսումնասիրությունների:

Քույր եկեղեցու նորընտիր Պատրիարքը միաժամանակ հայ եկեղեցու և հայ ժողովրդի անկեղծ ու ազնիվ բարեկամներից մեկն է:

Հայ և դպտի ժողովուրդներն ու եկեղեցիները միմյանց հետ կապված են սուրբ Ավետարանի լույսի ներքո ի Քրիստոս՝ դարավոր եկեղեցական ու մշակութային անխախտ եղբայրական կապերով:

Այդ բարեկամությունն ու համագործակցությունը կշարունակվեն նաև մե՛ր օրերին, էկումենիկ շարժման այս ժամանակաշրջանում՝ ի փառս Քրիստոսի և Նրա եկեղեցու:

